

TE HEHEMURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matabiti hoê.

Nu. 8.

Atete 1926.

Mat. 20.

*Hi'o atura vau i te hoê melahi i te maueraa na ropu i te
reva nei: ma te evanelia e tia i te vairaa ra ei pororaa'tu i te
feia e parahi i te ao nei ra, i te mau fenua atoa, e te mau opu
atoa, e te mau reo atoa, e te mau nunaa atoa, i te pii-hua-
rau te reo e, A mata'u i te Atua, e faahanahana'tu ia'na; ua
tae hoi i te hora faautuaraa na'na ra: e haamori outou ia'na
i tei hamani i te ra'i, e te fenua, e te tai, e te mau pape pihaa
ra. (Apokalupo 14:6-7)*

Te Mau Tapao e te Mau Semeio

TE parau mai nei te tahi mau taata o tei faaroo i te Bibi-
lia e, te faaroo nei ratou e, ua iteahia te mau tapao e
te mau semeio e rave rahi i roto i te Ekalesia i te anotau o
Iesu Mesia, i teie nei anotau râ ua faaorehia te mau semeio
e te mau tapao no te mea, na faufaa ore ratou i teie nei
anotau. tei ia vai te parau mau, tei ia ratou anei, e aore
ra, tei ia Iesu anei? Te na ô maira te peropheta ra o Ma-
roni, "e e parau mau ta'u e parau nei ia outou ra, e e riro
hoi te Atua i te faaite mai ia outou ma te mana e te hana-

hana rahi i te mahana hopea ra e, e parau mau iho â ia te reira; e e parau mau ia te reira, ua tae anei te mahana e faaotihia'i te raveraa i te Semeio. E ua faaea atoa anei te mau melahi i te fâ mai i te tamarii a te taata nei, E ua tapeahia anei e ana te mana o te Varua Maitai eiaha e tae ia ratou? E ua reira anei oia a vai ai te tau, a mau ai te fenua, a parahi ai hoi te hoé taata i nia i te fenua ia faaorahia oia? Inaha, teie ta'u parau ia outou, Aita; no te faaroo hoi e ravehia'i te semeio; e no te faaroo atoa hoi e fâ mai ai te mau melahi e parau ai i te taata; no reira, ia faaorehia taua mau mea nei, atae hoi te mau tamarii a te taata nei, no te faaroo ore ia te reira, e ua riro ta tatou mau ohpia ei mea faufaa ore." (Moroni 7:35-37.)

Te faaite mai nei te Bibilia e, ua iteahia te mau semeio i faaitehia mai i raro nei e te mau taata'toa o te faaroo i te evanelia. No reira, e tia roa ia manaó e, aita roa te semio te tumu no te faaroo, area, te faaroo ra, o te tumu ia no te mau semeio.

Ua na ô maira Iesu, "E te feia faaroo ra, e riro ia ratou teie nei mau tapao; e hee te mau demoni ia ratou i to'n nei i'oa, e parau hoi ratou i te parau apî: e rave noa hoi ratou i te ophi; e ia inu ratou i te mea taero, e ore ratou e ino; e ora hoi te maí ia ratou ia tau i to ratou rima i nia iho." (Mareko 16:17-18)

Te pae matamua roa no teie nei parau a Iesu o tei na ô maira "*E te feia faaroo ra, e riro ia ratou teie nei mau tapao,*" Aita roa oia i parau mai e, "Te horoa atu nei au ia outou i teie nei mau tapao ei faaiteraa i ta'u evanelia."

Ua titau te diaboló i te haapeapea i te feia o te ao nei, na roto i te mau ati e rave rahi, mai te matamua mai â e tae roa mai i teie nei â, e vai noa â hoi te reira huru e tae noa'tu i te ruururuaahia o te diaboló i te mahana hopea ra.

"*E parau hoi ratou i te parau apî*" Te poro-haere nei te mau tavinii o te Atua i ta'na evanelia i te mau taata i te

ao a
te r
to'n

taer
ehid
ruru
vini
ia'na
mau
hia
man
(Iob
tape
tiatu
rahi

iho.
te h
tino
Apos
tii oi
pure
te Fa
Fatu
orehi

roto
huru
o te
i teie
nei e
Mesia

ao atoa nei, no reira ia haapii raton i te mau reó êê atoa o te nei e tia'i. No reira e tia roa i te Atua ia tauturu i to'na mau tavini i te haapiiraa i te reó êê.

"E rave noa ratou i te ophi? E ia inu ratou i te mea taero e ore ratou e ino." Ua paruruhia anei o Paulo i te ehidena i to'na tereraa i Roma? (Ohipa 28:3-6) E, ua paruruhia, aita anei e tia i te Fatu ia paruru i to'na mau tavini i te mau anotau atoa? Ua tia roa ia no te mea, tei ia'na te mana. Area râ ua faatia te Atua ia roohia te tahi mau tavini mau no'na ra i te mau ati huru rau, ia tamatahia to ratou faaroo, e to ratou tiaturi i te Atua. Haa-mana'o tatou ia Aberahama (Genese 22:1-14) e ia Ioba (Ioba 1:12) e ia Paulo hoi. (II Korinetia 11:23-33) Ua tapea maite ihora ratou i te faaroo ma te feaa ore, e ma te tiaturi papu hoi i te Atua ra. E ua noaa ia ratou te maitai rahi i teie nei ao, e te ora mure ore i te ao a muri atu:

"E ora hoi te maí ia ratou ia tuu i to ratou rima i nia iho." E ere roa te maí e utua a te Atua; te utua ra ia no te haapao-ore-raa i te ture a te Atua, e te faatiaraa i to te tino hinaaro tia ore ra. No reira ua haapii mai te mau Aposetolo, "Te pohe ra anei te hoé o ontou i te maí? E tii oia i te mau Peresibutero o te Ekalesia ra, e na ratou e pure ia'na, ma te faatahinu ia'na i te monoí i te i'oa o te Fatu ra. E e ora taua maí ra i te pure faaroo, e na te Fatu oia e faatia i nia; e i rave na oia i te hara ra, e faa-orehia ta'na hara." (Iakoba 5:14-15.)

Te vai nei teie mau ati, e teie mau maí e rave rahi i roto i te ao nei i teie nei anotau, mai te anotau no Iesu te huru. No reira e homa e, eaha e ore ai e tia ia vai te mana o te Atua e te mau tapao ta Iesu i faaite mai, ei faaoreraa i teie nei mau ati? Te faaite atu nei matou i to te ao atoa nei e, ua faahoí-faahou-hia mai te Ekalesia mau a Iesu Mesia i roto i te ao nei, e tei roto i taua Ekalesia ra te mana

o te Autahuáaraa ei faaore i teie nei mau ati.

Ia taió tatou i te parau no te peropheta ra o Moromona o tei na ô mai e, "E e parau atoa'tu vau ia outou, o tei huna i te mau parau heheu a te Atua ra ma te parau e, ua faaorehia te reira, e aita e parau heheu, e te tohn, e te mea horoahia mai, e te faaora maí, e te parau i te parau êê, e te iritiraa i te parau êê. Inaha ra, e parau atu vau ia outou, o te huna i taua mau mea nei, o te ore ia i ite i te evanelia a te Mesia; aore atoa oia i taió i te parau i papaihia ra; ua na reira oia i te taió, aita oia i ite papu i ta'na i taió ra. Aita anei hoi tatou i taió e, hoé noa huru to te Atua, i nanahi, i teie nei mahana, e a muri noa'tu; e aore roa e hirohirouri ia'na ra, aore hoi e huru-ê-raa e vahi iti noa'é? E teie nei, i manaó outou no outou ihora i te Atua hirohirouri e tei ia'na te huru-ê-raa e vahi iti noa'é, ei reira ua manaó outou no to outou iho i te hoé atua aore i rave i te semeio. Inaha ra, e faaite atu vau ia outou i te Atua o te rave i te semeio, oia te Atua o Aberahama, e te Atua no Isaaka, e te Atua no Iakobá; o te Atua iho â tei hamani i te mau raí, e te fanua, e to roto atoa ia ratou ra." (Moromona 9:7-11)

—*Papaihia e Iosepha M. Peterosona*

To Tita Haere'tu i te Fenua Amerika

NA TE MAU hoa no te Faarao a Iesu Mesia i te Feia moá no te Mahana Hopea Nei: Ia ora na outou e te mau hoa'toa tei au mai.

O vau, to outou hoa i te faaroo nei, te hinaaro nei au i te faaite atu ia outou i te huru o to'u tereraa'tu i te oire ra i Roto Miti.

Ua faarue atu maua i Tahiti nei i te 6 no Eperera, e ua tae atu maua i San Francisco i te 16 no Eperera, maua o Hebera Foutera i te haereraa'tu. Te tia'i ra te hoé vahine no te Ekalesia ia maua i reira, e hoa ia oia no te mama o Hebera, e ua afai atu oia ia maua i te Hotela Ramona. E i te po, na tiihia mai maua e haere atu i te fare orometua i reira. Ua farerei maua i te mau orometua e ua faarii-maitai-hia hoi maua e ratou.

E i te 18 no Eperera, ua faarue maua i San Francisco i te poipoi i te hora iva e te afa, no te reva atu i Roto Miti, Utaha. Ua tapae atu maua i Utaha i te 19 no Eperera i te hora toru i te ahiahi, i to maua taeraa'tu i reira, te tia'i ra Farani Fumera, e o Ole B. Peterson e o Tiuria e te papa e te mama o Hebera ia maua. I reira, ua reva'tu o Hebera Foutera i to'na oire i Ogden, e ua arataihia'tura vanu i o Ole ma, te faaearaa.

E i to'u faaearaa i Roto Miti Utaha, ua haere noa mai te vetahi mau orometua o tei tae mai i Tahiti nei, e farerei ia'u, e afai hoi ia'u e haamataitai na roto i te oire e te tufafenua Utaha, e te tehi atu a mau oire i rapae i Utaha.

Teie hoi ia te mau orometua tei tae mai e tii ia'u, te tahi mahana na te tahi e te tahi mahana na te tahi ia, e ua na reira noa ratou e tae noa'tu i te mahana vanu i faarue atu ai i Utaha e tae roa mai i te faarueraa i San Francisco no te hoi mai i Tahiti nei, teie to ratou mau i'oa i te reo Tahiti: Ole Peteresona, Farani Fumera, Alama Buratona, Tihoti Buribidi, Tamati Buribidi, Reroi, Maratini, Otero, Matara, Tanona, Toma, Ioane, Timona, Farane, Hebera, Tefera, Viliamu, Afirita, Matirita, Otaha, Moroni, Amota, Terota, Ira, Ora, Eli, Hebera Foutera, te metua tane o Viliamu, e o Ioane, e o Iosepha, e Tataria.

E teie te mau oire ta ratou i afai ia'u e haamataitai: Murray, Kaysville, Ogden, Logan, Smithfield, Richmond, Cove, Lewiston, Trenton, Cornich. Weston, Wellsville,

Hyrum, Gallon, Brigham, Riverton, Farmington, Center-ville, Layton, Sandy, Lehi.

E te faaite atoa'tu nei au ia outou e, na farerei au i te feia toroá rahi no te Ekalesia a Iesu Mesia i te Feia Moá no te Mau Mahana Hopea Nei e te mau taeae e te mau tuahine i te vetahi mau oire ta'u i haere. E te faaite atu nei au ia outou, na faaii-maitai-hia vau e ratou atoa, oia hoi, e te mau orometua tei tae mai i Tahiti nei, e te mau feia toroá rahi no te Ekalesia e te mau taeae e te mau tuahine atoa hoi. E te faaite nei au e, te vai mau ra to ratou rima aroha e to ratou rima tauturu i te feia no te mau fenua moana nei, e noa'tu e, o vai oia, e noa'tu e, eaha ta'na haapaoraa, te vai mau roa to ratou aroha mai te au i te parau ta Iesu i parau ra e "e aroha hoi oe i to taata tupu mai to aroha ia oe iho na." (Luka 10:25-37) E tatou nei, o vai ia to tatou taata tupu, maori râ, o tei aroha mai ia tatou nei. Teie hoi te tahi parau iti ta'u e hinaaro ia haapaó te taata atoa, oia hoi e, "Eiaha e faaino, ia ore outou ia faainohia mai. O ta outou hoi e faaino ia vetahi e ra, e faaino-atoa-hia ia outou i te reira; e te faito ta outou e faito atura, e te faito atoa ia i ta outou. E eaha oe i hi'o ai i te pâpaa iti i roto i te mata o to taeae ra, e aore oe i ite i te raau rahi i roto i to'oe iho mata? E eaha hoi oe e tia'i ia parau atu i to taeae, Ho mai na'u e iriti i te pâpaa i roto i to mata na, e inaha, e raau rahi hoi tei roto i to'oe iho mata? E tera ra haavare e! e mata na i te iriti i te raau rahi i roto i to'oe iho mata; ei reira oe e ite maitai ai ia iriti i te pâpaa iti i roto i te mata o to taeae. (Mataio 7:1-5)

Te aroha'tu nei au ia outou, o te taió i teie nei mau parau rii, to outou taeae i te Evanelia a Iesu Mesia Nei.

Papaihia e E. H. Tita á Tekua

Te Hoê Lata Aroha i te Mau Taata no te Pae Au Moana Nei

Na te Ekalesia i te mau Fenua Moana,

Ia ora na outou i te aroha mau o te Atua:

I te 25 no Febuare, i te matahiti 1893. ua faarue atura na taata apî e toovau i to ratou fenua here, e to ratou mau fetii, e te mea'toa i herehia e ratou a tere atu ai i te tahi mau fenna moana i ite-ore-hia na e ratou ra, oia hoi, i te mau fenua moana i Oceania i parahihia e outou na. Tera mai ia te mau i'oa o tana mau taata ra: oia hoi, O Toma Vutuberi, O Tihoti Tanona, O Farani Tuterera, O Iese Arope, O Eduare Sudeberi, O Tihaere Lateni, O Faredi Rositeri, O Farani Gofa.

Ua aô atura ratou i te Evanelia i rotopu ia outou na i na matahiti e toru e e maha, e ua hoî faahou maira i to ratou iho fenua i Utaha, te Hau Maitai Rahi i te pae au mouá no te Mau Hau i Amuihia i Amerika.

Ua riro te mahana e 25 no Mati no te mau matahiti atoa ei mahana haamanaóraa e ei mahana amuiraa no tana na taata e toovau ra, e no reira, e au i te peu i haapaohia e ratou ra i na matahiti e rave rahi, ua tairuru maira ratou i te fare nehenehe no Toma ma i te ahiahi no te 25 no Febuare nei e haamanaó ia outou na e e faaoaoa ia ratou iho-ra. Ua pohe ê na Tihaere Lateni e te parahi nei Farani Gofa raua O Faredi Rositeri i te paeau fenua i apatoa, aita i tia ia amui mae.

No te mau ohipa huru rau a teie na orometua hoî e toopie ra, aita ratou i farerei pinepine i na matahiti e 29 i mairi aénei, e no reira ua riro teie nei ahiahi amuiraa ei taine moarara rahi e ei taine haamahanahanaraa aau.

E hia ino ma e, ua tupu fahon i roto i to matou aau

te aroha rahi ia outou na, e ua i roa hoi te aau i te hinaaro i te farerei faahou ia outou hou tatou e pohe ai. Tera mai te mau i'oa o te tahi pae no outou i faahitihia i roto i to matou aparau-oaoa-raa, oia hoi, o Toae, o Pahua, o Marere, o Tukua, o Tane, o Panoa, o Timi, o Mapuhi, o Mapuhi Apî, o Maroaki, o Tama, o Kaoko, o Afaraina, o Matapo, o Mohi, o Tefanau, o Tahuta, o Tama, o Marerenui, o Toriki, o Teraî, o Huri, o Mapuia, o Mahuru, o Tahena, o Rua e e rave rahi atu â hoi; ahiri na papaihia te i'oa o outou atoa i haamanohia e matou i roto i to matou paraparauraa ua apîapî roa teie nei lata i te i'oa taata, e aita e vahi toe no te tahi atu â mau parau.

E homa ma, i roto i to uatou oaoaraa ua imi i hora matou i te hoé ravea e riro ai ei faaiteraa i to matou aroha ia outou na. Ua tauatini te maile fenua e te moana hoi tei faataa ê ia tatou, aita e tia ia matou ia haere atu ia outou na, e aita hoi e tia ia outou ia haere mai i ô nei, e no reira ua opua i hora matou e haapono atu ia outou na i to matou hohoâ ia neneihia i roto i te Heheuraa Apî, ia ite outou i to matou mata i teie matahiti nei. Tera mai ia to matou hohoâ e no to matou mau vahine atoa hoi. E tapao teie no to matou aroha rahi ia outou na e ei faaiteraa hoi, aita roa te hoé o outou i moe ia matou nei.

Ua amuihia mai matou i roto i teie nei hohoâ e to matou mau vahine ia ite outou e, e mea maitai rahi to matou parahiraa i roto i teie nei fenua Roto Miti nei. Ia ite hoi outou e, ua riro matou ei nunaa rahi; e tocopae tamarii nehenehe ta Toma, e toohitu ta Iese, e toohitu hoi ta Tanna, e e tooono ta Farani Tuterera. E mau tamarii hoi ta Farani Gofa e ta Faredi Rositeri hoi, aita ra vau i ite i te rahiraa. Ua riro Iese e o Toma e o Farani Tuterera hoi ei mau tupuna tane. E riro teie ei tapao ia outou na, te tupu nei Zona i te rahiraa. Mai ia matou i tupu i te rahiraa, te na reira hoi to Roto Miti atoa.

Mai te taima i faarue ai matou ia outou na e tae noa

mai i
huru
rahi
â to t
te tau
hou a
e mau
mau f
l
e hau
tiâ i
a te A

mai i teie nei á, ua itoitō matou atoa i te mau ohipa atoa huru rau na te Ekalesia. Te tupu nei to matou faaroo i te rahiraa e i te papuraa hoi. Te ite nei matou e ore noa'tu â to tatou farerei-faahou-raa i roto i teie nei ao, te vai nei te tau e te vahi hoi i roto i te Basileia o te Ao e farerei faahou ai tatou atoa e e ore tatou e taa-ê-faahou, mai te mea e mau papu tatou i te faaroo e e haapao maitai tatou i te mau faaueraa a te Atua.

E no reira, e homa ma e, eiaha tatou e fiu, eiaha tatou e haumani, e eiaha hoi tatou e haamarirau i to tatou tere tiá i roto i teie nei ao. Ei nia ia tatou atoa te haamaitairaa a te Atua. Ia ora na outou atoa i to outou parahiraa i o na.

—*Papahia e Farani Tuterera no te mau orometua faau e ho'i maira.*



Te Mau Parau Apî

Ua tupu te hoé uiraa rahi i rotopu i te feia haapiihia i te fenua Amerika, e te na ô maira tava uiraa ra e, ua faatia anei te Ati Iuda i te hoé Basileia i nia ite fenua Amerika hou te taeraa'tu o Columabuso, oia hoi, te taata papaa matamua tei tae atu i te fenua Amerika? Teie mau mahana i mairi aénei i tae mai ai te pahonora. Ua iteahia te hoé mau ohipa taa ê, e te ohipa tahito hoi, i raro aé i te repo i te tufaa fenua ra o Arizona i Amerika. Te faaite mai nei teie ohipa tahito i te huru no te tahi mau aroraa i rotopu i teie nunaa, e te tahi atu â nunaa êê. E no reira, na ite teie feia haapiihia e, te vai ra te hoé Basileia o te Ati Iuda i nia i te fenua Amerika i mutaa ihora.

E teie nei, te tupu noa nei te ao i roto i to matou mau aau, no te mea, te haamaramarama-riirii-hia nei to te ao. Ahiri râ ratou aita i vai-teóteó-noa ra, ua ite ê na ia ratou i te pahonora tia no teie uiraa. No te mea, i te avaé Setepa i te matahiti 1827, i horoahia mai ai e te Atua ia Iosepha te buka i parauhia te Buka a Moromona, e te faaite papu mai nei taua buka ra e, te vai mau ra te Basileia o te Ati Iuda i te fenua Amerika i mutaa ihora.

Eaha te tumu i vai-poiri-noa'i to te ao, maori râ, no ta ratou mau patoiraa'tu i te Atua e i to'na maitai. Ua haamaitai te Atua i te Feia Moá i te mau tau atoa, e na roto i te mau heheuraa no ô mai ia'na ra, i ite papu ai matou i te pahonora tia no teie uiraa rahi nei.

E hoa ino ma e, te vai nei â te Buka a Moromona, e ua iritihia hoi taua buka ra ei reó Tahiti, no reira, haere noa mai outou e rave mai i teie buka, no te mea hoi tei roto ia'na i te irua o te Evanelia.

Ua tupu te hoé tamaí i te oire ra i Warasa, (Warsaw) i te fenua Polanada (Poland). Tera ia te tumu no te tamaí, oia hoi, ua faatiahia te hoé faatereraa hau apî i taua fenua ra, e aita roa te mau taata i mauruuru i to'na hurn faatere-raa. Tamaí maira ratou, tupu ihora te hoé orure hau rahi roa i taua fenua ra.

I roto i teie avaé Tiurai i mairi aénei i haapaohia'i te mahana rahi no te Hau Farani, i Papeete nei. Ua tairuru noa mai te mau taata no te mau mataeinaa e te mau fenua fatata mai, ei haamanaóraa i te mahana rahi no te Farani. Ua tupu roa te oaoa o te mau taata i roto i taua tairururaa ra, e ua rave-noa-hia hoi te mam peu au ei haamanaóraa i te mahana rahi, oia hoi, i te 14 no Tiurai, te mahana i faatiamahia te Han Farani, e te mahana hoi i haavi-roa-hia te fare tapeáraa rahi ra i parauhia te Bastile. E mea faahia-hia hoi te ohipa i ravehia i taua mahana ra, e ua faatura-hia te Hau Farani, na roto i te haapao-maitai-raa o te mau taata i raro aé ia'na ra.

Ua faatiahia te hoé fare pureraa rahi i te tufaa fenua Niu Yoka (New York) i te fenua ra i Amerika, e mea taa ê hoi teie fare pureraa i te mau fare pureraa atoa i faatiahia na, no te mea, ua haapaohia teie fare no te tamarii anaé, na ratou e haapao e faatere hoi i te ohipa atoa i roto i taua fare ra, ia haapii-papu-hia ratou i te haamoriraa'tu i te Atua. Aita hoi teie fare i haapaohia no te hoé noa iho faaroo, na ravehia mai te mau ture maitatai e te mau rave-raa moá tei au, no roto mai i te mau haapaoraa atoa, e ua horoahia ia i teie mau tamarii ia haapao. Te tauturu atu nei te mau haapaoraa atoa i teie fare pureraa e te tono nei ratou i ta ratou mau tamarti i tera fare i te mau poipoi Sabati atoa.

I te fenua Mexico i teie mau mahana i mairi aénei, ua parau uáua maira te Peresideni o te hau i tena oraa mai e, ia ore te mau orometua porosetani e haapao i te mau ture a te hau e tiai-inié-hia ratou i rapae au i tana fenua ra.

I roto i teie nei mau mahana i mairi aénei i faaorehia'i te peapea i te fenua Baratane. Te vai ra te peapea rahi i teie na avaé i mairi aénei i rotopu i te feia rave ohipa e te mau ona no tana fenua ra, na roto râ i te hoé faaafaroraa, i ore ai tana peapea rahi ra.

E toru oire tei hau i te rahi i te mau oire atoa i te fenua Amerika, o Niu Yoka (New York) ia te matamua, e 5,924,000 taata i roto ia'na, o Citago (Chicago) ia te piti e 3,048,000 taata i roto ia'na, te toru ra, o Philadelephia (Philadelphia) ia, e e 2,008,000 taata i roto ia'na.

I roto i te oire Hilo i te fenua ra i Vaihi, ua tupu te hoé aueneraa fenua, e ua haamata mai te ofai veavea i te tahe mai no nia mai i te mouá i nia iho i te mau faaapu tei fatata mai i tana vahi ra. Ua tahe roa mai teie ofai veavea i nia iho i te faaapu o te taata ra o B. M. Alena (B. M. Allen). E faaapu rahi roa to teie taata, e mea rahi roa hoi to'na faufaa i nia iho i tana faaapu ra, ua paapaa-roa-hia to'na na fare e maha, e ua manaóhia e, e hoé ahuru tauatini dala (10,000) i'pau i róto i tana auahi rahi ra. E mea riária teie i te mau taata tei parahi i tana vahi ra, e no reira, ua faarue ratou atoa i to ratou mau fare, e to ratou mau faaapu, mai te horo atu i te tahi vahi ê parahi ai.

Alma G. Burton, Imprimeur,

Rue Brea et de la rue Dumont d'Urville, Orovini, Papeete